

К ОПУБЛИКОВАНИЮ

КОМИ РЕСПУБЛИКАЛӨН ОЛАНПАС

«Коми Республика мутасын меставывса тӧдчанлуна мупытшса учасокъясӧн вӧдитчан юкӧнын ӧткымын юалӧм йылысь» Коми Республикаса Оланпаслӧн 3 статьяӧ вежсьӧмъяс пыртӧм йылысь

Примитӧма Коми Республикаса
Каналан Сӧветӧн

2024 вося лӧддза-номъя тӧлысь 14 лунӧ

1 статья. Пыртны «Коми Республика мутасын меставывса тӧдчанлуна мупытшса учасокъясӧн вӧдитчан юкӧнын ӧткымын юалӧм йылысь» Коми Республикаса Оланпаслӧн 3 статьяӧ (Коми Республикаса канму власьт органьяслӧн индӧд-тшӧктӧмъяс, 2012, 6 №, 144 ст.; 34 №, 783 ст.; 2013, 37 №, 702 ст.; 2015, 4 №, 29 ст.; 26 №, 362 ст.; 2017, 27 №, 484 ст.; 2019, 7 №, 86 ст.; 2020, 10 №, 141 ст.; 2021, 20 №, 371 ст.; 2023, 11 №, 213 ст.) татшӧм вежсьӧмъяс:

1) медводдза юкӧнын:

а) дас нӧльӧд абзацын «мӧд юкӧн» кывъяс вежны «коймӧд юкӧн» кывъясӧн;

б) содтыны татшӧм сюрӧса выль дас витӧд – дас сизимӧд абзацяс:

«торъя картаяс (схемаяс) вынсьӧдӧм вылӧ уполномочитӧм федеральнӧй олӧмӧ пӧртысь власьт органӧ «Му пытшкӧс йылысь» Россия Федерацияса Оланпаслӧн 25 статьяса мӧд юкӧнӧн урчитӧм юӧр сетӧм;

му учасокъяс вылын, кутшӧмъяс меститчӧны паськыда тӧдса мупытшса озырлун куйланінъяслӧн мудорьясын, кутшӧмъяслысь видзасьясӧ босьтӧма тӧд вылӧ мупытшса озырлун видзасьяслӧн канму балансӧн, да (либӧ) меставывса тӧдчанлуна мупытшса учасокъяслӧн мудорьясын, кутшӧмъясӧс сетӧма вӧдитчӧм вылӧ гӧраса кежӧдӧн, капиталнӧя стрӧитан объектъяс стрӧитӧмсӧ сӧгласуйтӧм серти комиссия котыртӧм «Му пытшкӧс йылысь» Россия Федерацияса Оланпаслӧн 25 статьяса сизимӧд юкӧнын индӧм случайяс кындзи;

Коми Республика мутасын му пытшкӧс серти канму фондӧн веськӧдлан федеральнӧй органӧн, сылӧн мутас органьясӧн да сылӧн ведомствоувса канму учреждениеясӧн му пытшкӧслӧн серпас серти канмусянь мониторинг нуӧдӧмын участвуйтӧм;»;

2) мӧд юкӧнын «ӧкмысӧд да дас нӧльӧд» кывъяс вежны «медводдза юкӧнса ӧкмысӧд да дас нӧльӧд» кывъясӧн.

2 статья. Тайӧ Оланпасыс вынсялӧ сійӧс официальнӧя йӧзӧдан лун бӧрын дас лун кольӧм мысти, тайӧ Оланпаслӧн 1 статьяса 1 пунктлӧн «б» пунктувса мӧд да коймӧд абзацяс кындзи, кутшӧмъяс вынсялӧны 2024 вося кӧч тӧлысь 1 лунсянь.

Коми Республикаса Веськӧдлан котырлы лӧсьӧдны ассьыс
нормативнӧй инӧда актъяссӧ тайӧ Оланпас серти.

Коми Республикаса Юралысь

В.В. Уйба

Сыктывкар

2024 вося лӧддза-номъя тӧлысь 26 лун

46-РЗ №